



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na tur alumno di Colegio Arubano y nan
mayornan/cudadornan

Oranjestad, 16 di augustus 2024

COLAUA: 2024/2025-001

Asunto: Informacion tocante aña escolar 2024-2025

Apreciabel mayor/cuidado, alumno,

Na prome luga, un caluroso bonbini na tur alumno nobo, cu pa prome biaha ta bin Colegio Arubano e aña escolar aki. Naturalmente, nos ta yama tambe bonbini na tur alumno cu aña pasa caba tabata cerca nos na scol. Nos ta ansioso di por yama tur mucha bonbini otro siman. Den e carta aki bo ta haya mas informacion tocante e apertura di e aña escolar.

Prome dia di scol diamars 20 di augustus

Riba diamars 20 di augustus ta spera tur alumno na scol pa conoce nan mentor y nan klas. Riba e dia ey lo trata tur tipo di cuestion practico, cu ta importante pa haci e aña escolar aki uno exitoso. E rooster di lokaal pa e dia aki ta obtenibel como anexo 1 y lo ta exponi na diferente luga riba tereno di scol.

Ta spera e alumnonan di CB1, CB2 y e alumnonan nobo 8.15am na scol. Ta spera e alumnonan nobo den H4, cu ta bin di MAVO, y esnan nobo den V5, cu ta bin di otro scol, 7.30am na scol. Ta spera tur otro alumno 9.00am na scol. Entrante e di 5 ora di les, lo sigui cu les segun rooster.

Magister

Magister ta nos plataforma administrativo. Alumno y nan mayornan por consulta Magister pa wak rooster, cifra y registro di ausencia. E alumnonan por wak tambe nan tarea pa cas den Magister. Ademá, via Magister ta manda e cartanan. Pa esaki ta importante cu den Magister tin e e-mail adres corecto di mayor. Si acaso bo no a ricibi e carta aki via mail, tuma contacto cu info@colegioarubano.aw pa asina por soluciona esaki ainda.

E alumnonan cu ta asisti Colegio Arubano pa prome biaha e aña aki, lo ricibi nan code pa acceso na Magister na scol. Mayor di e alumnonan aki lo ricibi nan code durante e prome anochi pa mayor.

Rooster

E rooster cu e orarionan di les pa cada alumno ta obtenibel entrante e proximo dialuna riba Magister y riba nos website: <https://colegioarubano.aw/roosters>. E alumnonan por subi e website y conecta cu nan number di stamboek pa wak nan rooster.

Cuenta di Google di scol pa alumno

Tur alumno ta ricibi un cuenta di Google di scol. Esaki ta duna nan acceso na material di les digital. E cuenta aki ta conecta tambe cu un e-mail adres. Na e adres aki lo ricibi informacion importante. Alumno por conecta via www.gmail.com. E contraseña di e alumnonan, cu ya tawat'ey aña escolar pasa, no a cambia. Alumno nobo por conecta cu e siguiente informacion:

E-mail adres: ###@colegioarubano.aw (mester reemplasa ### cu e number di stamboek obtenibel den e pakete di buki)

Contraseña: Alumno di CB1: colegio2024

Tur otro alumno: colegio2025

Si acaso tin problema pa conecta, e alumno por indica esaki na administracion di scol.

Cifra y rapport

Den Magister por wak tur cifra. Banda di esey, nos ta manda durante aña dos bes un rapport digital. Na final di e aña escolar nos ta duna e rapport final riba papel. Nos ta traha cu un sistema di promedio continuo (doorlopend gemiddelde). Esey ta nifica cu ta determina e cifra final di un materia door di coy e promedio di tur e resultadonan obteni di e materia. E prome y di dos rapport ta consecuentemente *tussenrapporten*. Riba e prome *tussenrapport* lo tin e promedio di tur e resultadonan obteni te na e momento ey. Ademas, riba e rapport lo bin tambe e balornan conoci como OMZA (Organisacion, Participacion, Confiansa propio y Autonomia).

Raporta malo

Desafortunadamente, tin biaha un alumno por bira malo. Den un caso asina mester avisa scol. Ta posibel pa raporta e alumno, cu ta malo, na diferente manera.

- Riba nos website tin un conopi pa *meldziek*. E link directo ta bit.ly/ziekmaloo. Via e link ta habri un lista cortico di pregunta. Despues di yena e lista di pregunta ta pidi bo pa pone e *ziekmelding* den Magister. Despues di esaki e registracion di e raportahe como malo ta tuma luga. Den e formulario aki ta pidi un e-mail adres. Esaki mester ta e e-mail adres di e mayor/cuidador. E formulario ta obtenibel diariamente te 10.00am.
- Tambe ta posibel te ainda pa raporta malo telefonicamente. Den e caso ey tene na consideracion cu lo haci bo e mesun preguntanan cu tin riba e formulario online. Raporta malo via telefon ta posibel te 10.00am.

Si un alumno bira malo bou ora di scol, e mester presenta na prome luga cerca e administracion di scol, despues pa cua lo yama mayor/cuidador pa bin busca e alumno. E alumno mes ta indica si e no tin mas prueba riba e dia ey. Si e alumno tin prueba riba e dia ey, e tin cu raporta na Medwork. Practicamente, esaki ta bay bon durante e temporada di CP/SE, pero pafo di e periodonan ey tin biaha sa lubida. Un alumno cu riba un dia regular di scol ta malo y tin un prueba, mester acudi na Medwork. Cu prueba ta nifica un actividad pa cua e alumno ta haya un cifra p'e. Esey kiermen cu no ta solamente prueba skirbi, pero por ehempel tambe presentacion of actividad deportivo.

Miembrecia di biblioteca

Tur hoben na Aruba por ricibi miembrecia gratis na Biblioteca Nacional Aruba, BNA. Como miembro, e hoben tin acceso tambe na e banco di data online di BNA.

Banda di esey, nos a cera un acuerdo cu *Openbare Bibliotheek Amsterdam*, OBA. Nan tin un coleccion online grandi. Nos alumnonan menor di 19 aña por haya miembrecia gratis. Esaki nos ta regla via scol, semper cu pa esaki a duna permiso riba e formulario di condicion.

Boekenfonds

Durante vakantie a distribui pakete di buki na tur alumno. A prepara e paketenan cu atencion. Si tin algo no ta cuadra, por ehempel, falta buki of a ricibi buki robes, por pasa durante e prome siman di scol na oficina di Boekenfonds y regla esaki.

A keda sin recoge algun pakete. Por recoge esakinan dialuna 19 di augustus entre 10.00 y 12.00 of entre 13.30 y 15.30 na e oficina di Boekenfonds. Pa ricibi e pakete di buki, mester hiba e comprobante di pago di AWG 350,00 y e formulario di condicion yena y firma.

Comunicacion

Nos ta haci nos esfuerso pa tene bo na altura di tur desaroyo cu ta importante pa bo. Mayoria biaha nos ta haci esaki pa medio di un carta cu nos ta manda via mail pa mayor/cuidado y alumno. Den caso cu bo no ricibi nos e-mailnan den bo *inbox*, hopi bes nan ta resulta den e map di *Spam* of *Trash*. Particularmente, e e-mail adresnan di Outlook y Hotmail tin filter masha rigido cu ta haci cu e mail no ta aparece den *inbox*. Por evita esaki door di agrega nos e-mail adres den e buki di adres of door di cambia e configuracion di e filter. Banda di manda e cartanan via e-mail, nos ta pone tur carta tambe riba nos website. Aki bo por comproba si bo a salta un informacion. Si bo no ta ricibiendo niun e-mail di nos, tuma contacto cu e administracion di scol. Tur informacion importante ta obtenibel riba nos website.

Berdaderamente, nos lo cuminsa otro siman cu e aña escolar nobo. Nos ta cla pa ricibi tur nos alumnonan y ta ansioso pa wak tur hende bek. Nos ta desea tur hende un aña escolar nobo cu hopi exito.

Un saludo cordial,
Den number di directiva di scol,



T.R. Croes M Ed
Rector